

বই লেখা ও প্রকাশ

ফরম্যাটিং এবং পাবলিশিং গাইড

জাকির হোসাইন



বই লেখা ও প্রকাশ

ফরম্যাটিং এবং পাবলিশিং গাইড

জাকির হোসাইন

বই লেখা ও প্রকাশ

সঙ্করনঃ ১.০ (05/01/2025)

প্রথম প্রকাশঃ জানুয়ারি ২০২৫

মূল্যঃ ৮০টাকা

© Jakir Hossain

<http://jakir.me>

উৎসর্গ

বসুন্ধরার মশাদেবকে। রক্ত যখন দিয়েছি। রক্ত আরো দিব। তারপরও এদের
উপোষ থাকতে দিব না।

ভূমিকা	8
অধ্যায় ১ - বই লেখা এবং ফরম্যাটিং সফটওয়্যার	9
বই লেখার জনপ্রিয় সফটওয়্যার	9
অধ্যায় ২ - মাইক্রোসফট ওয়ার্ড	11
প্রাথমিক প্রস্তুতি	11
ওয়ার্ড ডকুমেন্ট তৈরি	12
পেইজ লেআউট	13
ফ্রন্ট পেইজ	14
স্টাইল সেভ করা	19
সেকেন্ডারি ফ্রন্ট পেইজ	21
কপিরাইট পেইজ	22
টেবল অফ কন্টেন্ট (সূচীপত্র) তৈরি	22
অধ্যায় যোগ করা	23
বইয়ের কন্টেন্ট	26
পেইজ নাম্বারিং	28
ইমেজ যোগ	28
বই এক্সপোর্ট	29
টেম্পলেট ব্যবহার	30

অধ্যায় ৩ - অ্যাপল পেইজ	32
পেইজে বই তৈরি	32
পেইজ বা ডকুমেন্ট লেয়াউট	33
কভার পেইজ তৈরি	34
স্টাইল সেভ করা	39
সেকেন্ডারি ফ্রন্ট পেইজ	40
কপিরাইট পেইজ	40
টেবল অফ কন্টেন্ট (সূচীপত্র) তৈরি	41
অধ্যায় যোগ করা	41
টেবিল অফ কন্টেন্ট স্টাইলিং	43
বইয়ের কন্টেন্ট	46
পেইজ নাম্বারিং	47
ইমেজ যোগ	47
টেম্পলেট ব্যবহার	49
বই এক্সপোর্ট	49
অধ্যায় ৪ - বই পাবলিশ	51
সফট কপি বা ই-বুক প্রকাশ	51
হার্ড কপি প্রকাশ	51

মকআপ	52
বই লেখার কিছু টিপস	53
অধ্যায় ৫ - আমার বই লেখার গল্প	55
লেখক সম্পর্কে	56

ভূমিকা

বই লেখা সহজ। যে কেউই চাইলে বই লিখতে পারে। তবে ফরম্যাটিং কিভাবে করতে হয়, তা শিখে নিলে যে কেউই প্রফেশনাল ফরমেটের বই তৈরি করতে পারবে। চাইলে তা অনলাইনে প্রকাশ করতে পারবে। অথবা কোন প্রকাশকের মাধ্যমে হার্ড কপি প্রকাশ করতে পারবে। যদিও প্রকাশকের মাধ্যমে বই প্রকাশ করলে তারাই ফরম্যাটিং করে নেয়। লেখকদের শুধু ওয়ার্ড ডকুমেন্ট ফরমেটে বই দিলেই হয়।

এই বই মূলত সেলফ পাবলিশারদের কথা মাথায় রেখে লেখা। যারা নিজে নিজে বই লিখতে চায় এবং প্রকাশ করতে চায়।

এই বইটা <https://jakir.me/shop> থেকে ক্রয় করা যাবে। যেখানে বইয়ের পাশাপাশি কিছু বুক টেম্পলেটও ডাউনলোড করা যাবে। যে টেম্পলেট গুলো ব্যবহার করলে বই লেখা সহজ হবে। ফরম্যাটিং এর ঝামেলা না করে সরাসরি লেখায় মনোযোগ দেওয়া যাবে।

অধ্যায় ১ - বই লেখা এবং ফরম্যাটিং সফটওয়্যার

বই লেখা কঠিন কিছু না। আমাদের ভাবনা গুলোকে একটু একটু করে কোথাও টুকে রাখলেই হয়। শব্দ থেকে আস্তে আস্তে অনুচ্ছেদ হয়। অনুচ্ছেদ থেকে পুরা একটা অধ্যায়। কয়েকটা অধ্যায় মিলেই একটা বই।

এই টুকে রাখা যে কোন কিছু হতে পারে। যে কোন নোট সফটওয়্যার, অনলাইন ব্লগ, যে কোন ওয়ার্ড প্রসেসর, এমনকি ফেসবুক টাইমলাইন। আলহামদুলিল্লাহ, আমার কয়েকটা বই প্রকাশ হয়েছে। শুরুটা হয়েছে খুব ছোট ছোট লেখা থেকে। ব্লগ লিখতাম প্রোগ্রামিং এর উপর। ব্লগ আর্টিকেল গুলো সাজিয়েই একাধিক বই প্রকাশ করেছি।

আমরা যে কোন যায়গায় লিখতে পারি। এমনকি কাগজে কলমেও। তবে প্রকাশ করার আগে বইয়ের ফরমেটে দাঁড় করাতে হয়। এর জন্য রয়েছে একাধিক সফটওয়্যার।

বই লেখার জনপ্রিয় সফটওয়্যার

মাইক্রোসফট ওয়ার্ডঃ মাইক্রোসফট ওয়ার্ডের সাথে পরিচিত নয়, এমন মানুষ মনে হয় না খুঁজে পাওয়া যাবে। মাইক্রোসফট ওয়ার্ড বহুল ব্যবহৃত একটা ওয়ার্ড প্রসেসর। যেকোনো লেখালেখি ও ফরম্যাটিং জন্য অনেকেই মাইক্রোসফট ওয়ার্ড ব্যবহার করে। অনলাইনে মাইক্রোসফট ওয়ার্ড ফ্রিতে ব্যবহার করা যায়।

অ্যাপল পেইজঃ ম্যাক অপারেটিং সিস্টেমের সাথে ফ্রি পাওয়া যায় অ্যাপল পেইজ। আরেকটা জনপ্রিয় ওয়ার্ড প্রসেসিং সফটওয়্যার। যা ব্যবহার করে বই লেখা এবং ফরমেট করা যায়। আবার রয়েছে বিল্টইন অনেক গুলো টেম্পলেট। যেগুলো ব্যবহার করে খুব সহজে প্রিন্ট রেডি বই তৈরি করা যায়।

কিন্ডল ক্রিয়েটঃ কিন্ডল ক্রিয়েট ব্যবহার করে বই লেখা এবং প্রকাশ করা যায়। যারা অ্যামাজন কিন্ডলে বই প্রকাশ করতে চায়, তারা কিন্ডল ক্রিয়েট ব্যবহার করে খুব সহজে নিজের বই গুলো প্রকাশ করতে পারে। যেগুলো আবার বিক্রি করতে পারে Kindle Direct Publishing এর মাধ্যমে।

গুগল ডকঃ গুগল ডক ব্যবহার করেও বই লেখা এবং ফরমেট করা যায়। রয়েছে অনেক টেম্পলেট। যেগুলো ব্যবহার বই লিখলে নিজের কষ্ট করে ফরম্যাটিং এর পেছনে সময় ব্যয় করতে হয় না।

ক্যালিব্রেঃ ক্যালিব্রে ফ্রি এবং ওপেনসোর্স ই-বুক ম্যানেজমেন্ট, কনভারশন ও ই-বুক লাইব্রেরি ম্যানেজার। যা ব্যবহার করে বই লেখার পাশাপাশি প্রায় সব ধরনের ই-বুক ফরম্যাটে (EPUB, MOBI, AZW3, PDF ইত্যাদি) কনভার্ট করতে পারবেন।

উপরের সব গুলোই পারসোনাল ব্যবহারের উপযোগী। বিভিন্ন পাবলিশিং হাউজে অ্যাডোবি ইনডিজাইন ব্যবহার করা হয়। যা মূলত প্রফেশনাল পাবলিশিং এর ক্ষেত্রে ব্যবহার করা হয়। এছাড়া রয়েছে অ্যাফিনিটি পাবলিশার। সেলফ পাবলিশিং এর জন্য উপরের যে কোন সফটওয়্যার ব্যবহার করেই বই লেখা এবং ফরম্যাটিং এর কাজ করতে পারেন। এই বইতে মাইক্রোসফট ওয়ার্ড এবং অ্যাপল পেইজ ব্যবহার করে আমার বই লেখা এবং ফরম্যাটিং শিখব।